



Universitätsbibliothek Paderborn

**R. P. Thomæ Tamburini Societatis Iesu Siculi
Caltanisettensis, In Alma Vniversitate nobilis Civitatis
Messanæ, Theologiæ Primarij Professoris. Explicatio
Decalogi Duabus distincta partibus**

In qua omnes ferè conscientiæ casus, ad decem Præcepta pertinentes,
mira brevitate, claritate, & quantum licet, benignitate declarantur

Continens sex Libros posteriores in Decalogum, id est, expositionem
præceptorum secundæ tabulæ

Tamburini, Tommaso

Monachii, Anno M.DC.LIX.

Desiderare malum alteri, n. 29.

urn:nbn:de:hbz:466:1-39995

ab odio non leviter proficiet. Porro Confessarij permaxime adhortentur omnes, præsertim eos, qui simul convivunt, ut in amicitia signis exhibendis prodigiint, ut ita dicam, non solum liberales: id enim nos reddit amabiles hominibus, Angelis, Deo. Odi ego acriter eos, qui semper amaro sunt vultu, & austero, nec erga subditos, consodalesque solum, sed multò magis superiorem, dum de S. Romualdo prudentissimo æquè ac sanctissimo Abbatे, cujus hodie, cum hæc scribo, memoriam colimus, sic lego: *a* Vultu adeo late semper erat, ut intuentes exhilararet. Nec immerito statim additur, magno apud Principes & Reges in honore fuit.

*a In festo S. Romualdi 7. Febr. l. 2.
Brev. Rom.*

Desiderare malum alteri, ubi

De Invidia,

29. Inquires primò, an sicuti inimico licet velle malum punitionis, modo dicto, ita universum poset quis proximo malum ex aliquo motivo desiderare?

Respondeo. Certè non statim ac illud licet, sequitur & hoc licere; nam inimico desideratur illa punitionis pena, quam justè meretur; at proximo nullam merenti penam malum desiderare, iniquum per se est. Id ergo diligentius discutere hac occasione, ne gravemur; & solent quidem afferri exempla: An possit filius mortem patris optare, vel de illa gaudere, non

ut malum patris; hoc enim esset odium execrandum; sed ut ipse filius paterna hæreditate fruatur? An mater possit desiderare mortem filiæ, ne illam alere, vel dotare cogatur? An possit subditus mortem cupere sui Prælati, ut Prælaturæ ipse succedat, vel ut ab eo Prælato sibi infenso liberetur? & similia. Si solum desideres, vel cum gaudio excipias ejusmodi effectus, hæreditatem, molestiæ parentiam, Prælaturam &c, facilis est responsio: licet enim hæc optas, vel amplecteris; quia non gaudes de alterius malo, sed de proprio bono. Certe non potest b quis licet gaudere de fornicatione, de comedione carnis, ut facta die vetito &c, nec illa desiderare, ut tunc fiant, quia gauderet de peccato, illudque desideraret; tamen posito, quod hæc cum peccato quis commisit, potest de habita prole sibi complacere, deque viribus refectis, quia non de peccato gaudet, sed de effectu secuto, qui bonus est, ita in casu nostro.

*b L. Castrop. to. 1, tr. 2, d. 2. p. 10,
9. 2. n. 17.*

30. Rursus. Si desideres sub conditione, facilis item est responsio, licet posse. Si quis enim hunc actum eliciat; si meus pater moreretur, ego hæreditate potirer. si filia mea occumberet, ego molestiæ liberarer: & si gauderet tunc ille non de patris vel filiæ morte, sed de hæreditate, deque parentia molestiæ, culpam odij non committeret, utpote qui simili modo, de bono suo gaudeat, non autem de alieno malo.

31. Denique si absolute desideres in hunc modum; *Cupio mortem patris,*

non

